

ՏԱՇԻՐ ՀԱՄԱՅՆՔԻ ՂԵԿԱՎԱՐԻ ՇՆՈՐՀԱՎՈՐԿԱՆ ՈՒՂԵՐՁԸ ԱՄԱՆՈՐԻ ԵՎ ՍՈՒՐԲ ԾՆՆԴՅԱՆ ՏՈՆԵՐԻ ԱՌԹՎ

Սիրելի հայրենակիցներ

Ամանորը այն սահմանագիծն է, որտեղ կանգնում ենք՝ գնահատելու անցած ճանապարհը, ամրապնդելու մեզ միավորող արժեքները և վստահորեն նայելու դեպի առաջ։ 2025 թվականը մեր համայնքի համար եղավ գործունեության ակտիվ շրջան, երբ ձեզ հետ միասին, համատեղ ուժերով կարողացանք իրականացնել մի շարք կարևոր ծրագրեր։ Շարունակեցինք բարելավել համայնքի ենթակառուցվածքները, աջակցել կրթական ու մշակութային նախաձեռնություններին, խթանել երիտասարդական ծրագրերը։ Ձեր աջակցությունն ու վստահությունն էին, որ մեզ թույլ տվեցին դժվարությունները հաղթահարել՝ հիմք ստեղծելով նոր ծրագրերի ու նախաձեռնությունների համար :

Սիրելի՛ բնակիչներ, Ձեզանից յուրաքանչյուրի ներդրումն այս տարվա հաջողությունների մեջ անգնահատելի է։ Հենց ձեր համբերատարությունը, աջակցությունն ու համայնքային հոգատար վերաբերմունքն են, որ ուժ են տալիս շարունակելու առօրյա ողջ հասարակական աշխատանքը՝ համախմբված, նպատակասլաց ու արժանապատիվ։ Այսօր, դիմավորելով 2026 թվականը, ուզում եմ ընտանիքներից յուրաքանչյուրին մաղթել խաղաղություն, ապահովություն, առողջություն և բարեկեցություն։ Թող ձեր օջախներում մշտապես վառվի ջերմության ու սիրո լույսը, իսկ ձեր սրտերում՝ հավատը վաղվա օրվա հանդեպ։ Թող համայնքիս յուրաքանչյուր տանը լինի մանկան ծիծաղ, հայրենիքում՝ խաղաղություն, մեր բոլորի կյանքում՝ բարօրություն ու ստեղծագործ ոգի։ Թող գալիք տարին մեզ բոլորիս պարգևի նոր ուժ, միասնականություն և անսպառ հավատ։ Թող նոր տարին իր հետ բերի կատարված ցանկություններ, իրականացված ծրագրեր և լուսավոր օրեր։

Շնորհավոր Ամանոր և Սուրբ Ծնունդ։ Թող Աստծո խաղաղությունն ու օրհնությունը լինեն ձեր ընտանիքներում և համայնքի բոլոր անկյուններում։